

道門科範大全集卷之二十八

傍二

道門科範大全集卷之二十六二十八二十七二

三洞經錄弟子仲勵修

### 祈嗣大醮儀

清旦行道法事如式

舉各禮師存念如法

### 宣衛靈呪

青陽虛映耀日回靈神虎辟邪飛天流鈴  
摧奸滅試萬魔束形九微迴道八威攝精  
千真校錄三元蕩清左嘯中黃右策六丁  
七轉八合周旋天經聖化巍巍大道興行

慶雲流布 合景黃庭 和與道合真

鳴法鼓二十四通

無上三天玄元始三炁太上道君太上老君  
召出臣身中三五功曹左右官使者左右捧  
香驛龍騎吏侍香金童傳言散花玉女五帝

傍二

直符直日香官各三十六人出出者嚴裝顯  
服冠帶垂纓關啓玄壇土地方域神真臣今  
清旦行道謹奏爲入意其諸忱悃已錄告聞  
願得

太上十方至真道炁靈寶瑞光下降流入臣

身中令臣所啓速達徑御

太上無極大道

昊天玉皇上帝御前

請稱法位

具位臣某與臨壇官眾謹同誠上啓

虛无自然元始天尊玉晨大道靈寶天尊萬  
天教主道德天尊昊天至尊玉皇上帝勾陳  
星宮天皇帝中天星主紫微北極大帝承  
天效法后土皇地祇神霄真王長生大帝東  
極注生青華大帝九天應元雷聲普化天尊

九天雷祖上帝上清紫微碧玉宮太一大天  
帝六天洞淵大帝六波天主帝君九天好生  
可韓司丈人天尊九天採訪應元保運真君  
九天上帝三十二天上帝五老上帝東華木  
公道君西靈金母元君日宮太陽帝君月府  
太陰皇君五方五德星君二十八宿星君北  
斗七元上真道君南斗六司上真道君五福  
十神太一真君上清四餘四曜星君天曹諸  
司真君三元三官大帝泰玄樞機三省諸相  
天君玄中大法師真君三天大法師真君北

極四聖真君上清雷霆院使真君雷霆九司  
列職真君九天注生監生真君九天司祿梓  
潼帝君九天衛房聖母元君本靖諸省府院  
司經錄法部主宰真君三天門下三元真君  
上章詞表靈官五嶽五天聖帝洞天福地靖  
廬治化仙官本靖祖玄真師列位真人經籍  
度列位真人北陰玄天艷都大帝東霞扶桑  
丹林大帝三河四瀆五湖四海龍王名山大  
川真宰九天金闕玉闕靈濟洪恩二位真君  
今年某季典司風雷雨部威烈聖衆城隍里

社廟貌一切真靈臣聞有物混成生實先於  
天地虛離獨立至亦出於陰陽或為之紀而  
莫見其形不知其名而字之曰道故陽居大  
夏而生育長養以為事天祖羣物而包含徧  
覆以無殊凡屬洪纖悉歸亭育不言而喻四

卷二

三

時行而百物生邪氣莫奸五穀熟而萬民殖  
化工所繫慶賴攸均醮官某夙植善根獲聞  
正道責躬引咎敢不祇畏上天奉戒修齋庶  
幾以咈無子令臣關奏降聖歸依清旦詞誠  
謹當宣奏

宣詞

按如詞言丹誠懇切恭承聽覽少賜矜容望  
垂至大之恩乞允綿長之祝臣聞易有太極  
兩儀是生大哉乾元萬物資始凡戴天而履  
地率負陰以抱陽得我之大者賦性於沖和  
得我之小者播形於飛走故無物不霑於雨  
露而有情盡出於陶鎔凡賴生成敢忘皈嚮  
葵心雖遠猶傾向日之誠獮祭甚微亦展事  
天之禮矧居人道復處中華有報有祈惟精  
惟一黜官某齋明盛服揆日惟良欽若昊天



昭事上帝覬百神之來相庶一索以得男下  
副禱祈式彰生化以今清旦行道請法衆等  
運茲初捻上香

願此香雲騰空上徹供養

無上至真十方道寶臣等皈身皈神皈命首

體投地以是捻香功德上祝

當今皇帝陛下伏願本支百世壽考萬年王  
假有家天作之合繼姜嫄之履武載育生民  
邁狄簡之祈天降祥玄鳥益慶藩垣之翰茂  
膺長發之期福及醮官澤流後裔斯干考室

如松茂而竹苞中孚應天庶鶴鳴而子和今  
故燒香自歸依  
道尊大聖衆至真之德得道之後保天長存  
和與道合真

以今清旦行道請法衆等運茲二捻上香

傍二

四

願此香雲騰空上徹供養

無上至真十方經寶臣等皈身皈神皈命首  
體投地以是捻香功德歸流社稷尊靈宗祧  
先聖伏願闕宮有卹清廟肅雍對越在天夢  
九齡而增與流光宗祀配上帝以無私下逮

醮官恩加先世樂遊帝所聞廣奏於鈞天悽  
愴焄蒿發昭明於神氣曲垂陰隲宜佑見存  
今故燒香自歸依

經尊大聖衆至真之德得道之後永保長存  
和與道合真

以今清旦行道請法衆等運茲三捻上香

願此香雲騰空上徹供養

無上至真十方師寶臣等皈身皈神皈命首

體投地以是捻香功德歸流遐邇遍及幽冥

伏願三辰順軌四海同文水旱長蠲兵刑寢

措五日風而十日雨無鳴條破塊之虞千斯  
倉而萬斯箱有東作西成之願一門薦祉四  
海蒙休共享福於華胥保昇玄於衆妙犁牛  
之子亦駢角以蕃滋老蚌增光蘊明珠而具  
足恩均動植各遂生成今故燒香自歸依

佛二

五

師尊大聖衆至真之德得道之後永保利亨  
和與道合真

舉之敬唱方懺方三啓三禮

帝三昇重稱法位

具位臣某等謹同誠上啓

太上無極大道三清三境天尊昊天玉皇上帝三界應感一切真靈臣聞遇災而懼垂大雅之格言見善則遷表義經之垂訓惟天爲大悔過居先郊雨反風克彰明德熒惑退舍亦契善言雖無聲臭之可尋宛若墳笮之相應而況惡人齋戒沐浴則可以昭事於上帝君子恐懼修省亦能主祭於長男非惟變咎以爲祥乃使回心而嚮道黜官某伏念自從前世以至今生意馬奔馳心猿狂率愧忤天地訕謗君師不孝二親間離九族忘哀廢禮

或不祀於祖先棄子墮胎夙自殘於骨肉陰  
賊犯上蔽賢害能黷真無狀遏糴不顧苟利  
道於錐刀之末私富貴於龍斷之中樂禍喜  
災妄絕他宗之祭祀欺孤伐冢巧增自己之  
田園素無惻隱之心是亦強梁之行又或焚  
山竭澤煮鹵覆巢枉害衆生未償夙業自貽  
譴責故觸神靈又或爲臣不忠殺人以致勞  
民動衆爲禍首於一時尸位素餐曠天工於  
百辟伐牛山於旦旦漏天網於恢恢凡百所  
爲罔知紀極有一千此未或不亡以致朋淫

于家用殄厥世不德罔大將墜厥宗此皆先  
聖之格言抑亦天心之可畏用是存誠潔已  
改往修來敬終日以乾乾罄小心而翼翼自  
陳罪網仰丐恩憐伏願浩浩高天皇皇后帝  
發好生之大德敷曠蕩之深恩咸與惟新哀

傍二

六

此竊獨庶傳種姓用守宗祊載育載生長堦  
庭之蘭玉以嗣以續學弓冶之箕裘庶幾荀  
氏之八龍不愧河東之三鳳願有加於帝力  
宜俾肖於後昆懇禱之誠朝夕以冀再惟蕃  
衍尤賴操修孤立於趙者爲十世之諸侯功

著於梁者爲八葉之宰相或使諫君而知臧  
孫之有後或以陰德而信丙氏之必與于公  
高門張湯揚善儻使一二而悉數雖至千百  
而匪周此皆作善降之百祥抑亦惟天佑于  
一德儻有克艱厥後爲業所牽歷考古初亦  
存龜鑑漢侯犯法四五世而靡有子遺虞詡  
多寃二十年而不傳一口或以陰謀六出而  
廢後或以爲將三代而覆宗受玉墮容尚招  
惡報先配後祖豈保吉祥顧陰譴之甚明雖  
它美而莫贖苟能見其過而內自省者將反



身而誠樂莫大焉某敢不寅畏天威歸依造  
化誓從今日以及來生惟改過以自新將迎  
祥而集慶資生資始均有賴於乾坤成象成  
形庶歸功於天地早符吉兆下慰凡情上明  
天尊大慈之澤下副臣等歸命之誠謹啓以

傍二

七

聞

十二願

復爐

香官使者左右龍虎君侍香諸靈官當令臣  
向來清旦行道之所自然生金液丹碧芝英

百靈衆真交會在此香火爐前當願罪咎蠲  
消慶源增衍傾心受度即膺饋鯉之祥蒙道  
順生允獲弄璋之慶一門被澤四海霑榮次  
願十方仙童玉女接待蘭烟傳臣向來所啓  
之誠速達徑御

至真無極大道

昊天玉皇上帝

御前

朝出堂頌 出戶

係編大輿外

道門科範大全集卷之二十六

道門科範大全集卷之二十七

祈嗣大醮儀

臨午行道

昊天  
法事陞壇如式

各禮師存念如法

宣衛靈呪

丹靈朱火 炎霞激風 赤輪剛運 天光八衝  
迸威包羅 交變萬方 流金豁落 羣魔滅蹤  
辟奸破妖 明耀元功 金符召制 躡雲策龍  
謠歌慶會 散花太空 神化宜運 四極安隆

伏御帝前罔有不恭和與道合真

鳴法鼓二十四通

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女五帝

傍二

直符直日香官各三十六人出出者嚴裝顯

服冠帶垂纓關啓玄壇土地方域神真臣今

臨午行道謹奏為入意其諸忱悃已錄告聞

願得

太上十方至真道炁靈寶瑞光下降流入臣

身中令臣所啓速達徑御

太上無極大道

昊天玉皇上帝御前

請稱法位

具位臣某與臨壇官衆謹同誠上啓

虛无自然元始天尊玉晨大道靈寶天尊萬  
天教主道德天尊昊天至尊玉皇上帝勾陳  
星宮天皇大帝中天星主紫微北極大帝承  
天效法后土皇地祇神霄真王長生大帝東  
極注生青玄上帝九天應元雷聲普化天尊

九天雷祖大帝上清紫微碧玉宮太一天帝  
六天洞淵大帝六波天主帝君九天好生可  
韓司文人天尊九天採訪應元保運真君九  
天上帝三十二天上帝五老上帝東華木公  
道君西靈金母元君日宮太陽帝君月府太

傍二

九

陰皇君五方五德星君二十八宿星君北斗  
七元上道真君南斗六司上生真君五福十  
神太一真君上清四餘四曜星君天曹諸司  
真君三元三官大帝泰玄樞機三省諸相天  
君玄中大法師真君三天大法師真君法主

四聖真君上清雷霆院使真君雷霆九司列  
職真君九天注生監生真君九天司祿梓潼  
帝君九天衛房聖母元君本靖諸省府院司  
經籙法部主宰真君三天門下三元真君上  
章詞表靈官五嶽聖帝洞天福地靖廬治化  
仙官本靖祖玄真師列位真人經籍度列位  
真人北陰酆都大帝扶桑丹林大帝三河四  
瀆五湖四海龍王名山大川真宰九天金闕  
玉闕靈濟洪恩二位真君風雲雷雨部威烈  
聖衆城隍里社廟貌一切真靈臣聞主器莫

若長子蓋有重於承傳天道常與善人惟密  
移於造化宛不言而善應隨有感以必通粵  
自神靈爲之主宰在昔高禔請子必嚴郊外  
之祈堯帝多男亦假華封之祝況茲凡陋敢  
昧歸依當一意以告虔冀三元之道養欽哉  
首上圩頂孔父有禱於尼丘駿極于天申甫  
降神於嵩嶽或元精之育固或昴宿之儲蕭  
邑姜夢帝則文在手而曰虞燕姁夢蘭則使  
稱天而與已未有不關於造化而能自遂於  
生成醮官某伏念功淺行微禍盈惡積放於



利而多怨曠仁宅而弗居獲罪于天克艱厥  
後念胙之土而命氏傳自古初苟墜厥緒而  
覆宗誰尸伏臘恐一旦溘先於朝露則九原  
有愧於先靈顧隻影以自憐僅如絲而不絕  
年高絳縣辱久矣於泥塗鬼哭若教將餒而

傍二

+

於求食每惇惇而知懼常慄慄以祈天又虞  
冢訟之牽連欲丐洪恩而普度乃嚴淨宇祇  
薦嘉誠臣等職奉金科身參寶籙祈男禱嗣  
音每誦於監生仙化成人經獲聞於上品凡  
摠情素敢不上聞爰有心誠謹當宣奏

宣詞

諦詳詞語灼見忱誠且聞不孝有三無後爲  
大生道非一本出於虛擬天地而參諸身致  
中和而育萬物宜內循於一已庶有格於萬  
靈用薦苾芬將祈盼饗九重金格奉靈寶之  
祕言三級瑤壇延衆真於珠館八天雲篆安  
鎮九宮兩極星燈光連五斗瀝陳丹悃拜伏  
朱章庶憑衆妙之功用格多男之慶以今臨  
午行道請法衆等運茲初捻上香  
願此香雲騰空上徹供養

十方無上道寶天尊  
臣等皈身皈神皈命首  
體投地以是捻香功德上祝

當今皇帝陛下伏願璇璣調理龜鼎燕寧絕  
災異而不書滌妖氛而水息龍樓鶴禁繼照  
重明甲觀畫堂含飴增慶百子協螽斯之詠

傍二

十一

六宮歌采苾苾之詩俾萬物各得其宜無一夫  
或失其所今故燒香自歸依

道尊大聖衆至真之德得道之後保天長存  
和與道合真

以今臨午行道請法衆等連茲二捻上香

願此香雲騰空上徹供養

十方無上經寶天尊臣等皈身皈神皈命首  
體投地以是捻香功德歸流某家九世七先  
億曾萬祖伏願天慈赦宥道氣發舒拔苦除  
愆和寃釋對告下九幽泉曲之府速登朱陵  
流火之庭受鍊生方逍遙仙界絕惡根而斷  
滅俾胎注以蠲除庶無天橫之災永保綿長  
之慶今故燒香自歸依

經尊大聖衆至真之德得道之後永天長存  
和與道合真

以今臨午行道請法衆等運茲三捻上香  
願此香雲騰空上徹供養

十方無上師寶天尊臣等皈身皈神皈命首  
體投地以是捻香功德歸流某壽德齊明魂  
神澄正結天地氤氲之氣流注百關稟陰陽

埏埴之功冥符八景育嬰端就寢息無驚錫  
其肯獲之人流以有餘之慶桑弧蓬矢將有  
事於四方燕頤虎頭或封侯於萬里恩霑九  
有澤及含生今故燒香自歸依

師尊大聖衆至真之德得道之後永保利亨

和與道合真

唱方 懺方 命魔 三啓 三禮

重稱法位

具位臣某等謹重誠上啓

金闕虛无三寶天尊昊天至尊玉皇上帝勾

傍二

十二

陳星官天皇帝中天星王紫微大帝承天  
效法后土皇地祇神霄直王長生大帝諸天  
天尊諸天天帝三界應感一切真靈臣聞茫  
茫九有形質既分蠢蠢含生陶鎔莫測雖世  
間有有無有皆暗昧於始終而一氣生生之

生實全繫於水火苟賦形於宇內總托化於  
仙鄉唯南斗之六虛乃太微之都糾領天樞天  
機之二省有司命司錄之尊神延壽益算則度  
厄於長生大君起死迴骸則主錄於韓君司馬  
咸彰品物號南昌之上宮濟拔三塗置朱陵  
之火府儻超離於陰境先沐浴於天池聞八  
天隱語之音接三洞飛玄之氣玉眸鍊質黃  
華蕩形再返人寰各正性命然念世人罪福  
盡達天司丹筆善分列爲等級姓類既別毫  
髮無私行齊八百者即證果以登真刑屬三

千者乃計功而補過三官鼓筆常料別於種  
人萬聖督仙實無間於晝夜皆有條而不紊  
故善應以無方唯此丹天功高紫極凡繫道  
蔭注上生名皆逆推三世之業因以計定一  
生之祿筭玉曆考誕彌之月慶雲開化育之

房二

十三

門俾全受鍊之魂即注更生之所或寄胞於  
貧寒之所或賦形於積善之家考筭毫分搜  
羅人品千生父母有夙世之良因萬劫子孫  
亦三緣之和會共業所感聚為一家然後九  
炁齊并二儀同化帝君品命聖母履綱道與



之貌而天與之形陽爲之魂而陰爲之魄四肢五體各整具於形神六甲三元悉扶承於胎命又千和而萬合至十月以九周惟九天司馬不下於命章則萬品生根莫彰於神奧大矣哉驚天駭地貴亦難勝陶魄鑄魂神靈微妙齋官某爰念日暮途遠嗣繼世微恥門戶之彫零究生源之本始載嚴淨宇遐企上真庶通蠲潔之誠以格蕃昌之裔伏願九天聖母浮駕雲輶八方胎神各領官屬流布至真之氣灌溉胞命之門胎元結於黃房祥烟

塞於死戶時貴月吉擁三界以齊臨形具神  
全保萬靈而稱慶允獲自天之祐旁依錫類  
之仁乃子乃孫肯堂肯構上明

天尊大慈之澤下副臣等皈命之誠謹啓以  
聞

十二願

復爐

香官使者左右龍虎君侍香諸靈官當令臣  
向來臨午行道之所自然生金液丹碧芝英  
百靈衆真交會在此香火爐前當願忱誠上

達睿澤旁流赦已往之愆尤開自新之軌路  
九玄七祖釋注訟以昇形六甲三元保胎真  
而固本庶獲寧馨之子率歸仁壽之鄉次願  
十方仙童玉女接待蘭烟傳臣向來所啓之  
誠速達徑御

太上無極大道

昊天玉皇上帝御前

出堂頌 出戶

道門科範大全集卷之二十七

道門科範大全集卷之二十八

祈嗣大醮儀

晚朝行道

法事陞壇如式

各禮師存念如法

宣衛靈呪

五星高耀

瑞氣飛浮

元始集神

天地交周

玉符寶節

嘯命微幽

擲火揚威

奸凶無留

萬魔振伏

紛葩却消

摧怪滅惡

道炁周流

神光照夜

陰翳俱收

萬神降格

扇景乘威

羣生咸遂 惠遍神州 和與道合真

鳴法鼓二十四通

無上三天玄元始三炁太上道君太上老君  
召出臣身中三五功曹左右官使者左右捧  
香驛龍騎吏侍香金童傳言散花玉女五帝

傍二

十五

直符直日香官各三十六人出出者嚴裝顯  
服冠帶垂纓闕啓玄壇土地方域神真臣今  
靜夜行道謹奏爲入意其諸忱悃已錄告聞  
願得

太上十方至真道炁靈寶瑞光下降流入臣

身中令臣所啓速達徑御

至真無極大道

昊天玉皇上帝御前

請稱法位

具位臣某與臨壇官衆謹同誠上啓

虛无自然元始天尊玉晨大道靈寶天尊萬  
天教主道德天尊昊天至尊玉皇上帝勾陳  
星宮天皇大帝中天星主紫微北極大帝承  
天效法后土皇地祇神霄真王長生大帝東  
極注生青華大帝九天應元雷聲普化天尊

九天雷祖大帝上清紫微碧玉宮太一天  
帝六天洞淵大帝六波天主帝君九天好生  
可韓司丈人天尊九天採訪應元保運真君  
九天上帝三十二天上帝五老上帝東華木  
公道君西靈金母元君日宮太陽帝君月府

太陰皇君五方五德星君二十八宿星君北  
斗七元上道真君南斗六司上生真君五福  
十神太一真君上清四餘四曜星君天曹諸  
司真君三元三官大帝泰玄樞機三省諸相  
天君玄中大法師真君三天大法師真君北

極法主四聖真君上清雷霆院使真君雷霆  
九司列職真君九天注生監生真君九天司  
祿梓潼帝君九天衛房聖母元君本靖諸省  
府院司經錄法部主宰真君三天門下三元  
真君上章詞表靈官五嶽聖帝洞天福地靖

傍二

十六

盧治化仙官本靖祖玄真師列位真人經籍  
度列位真人北陰酆都大帝扶桑丹林大帝  
三河四瀆五湖四海龍王名山大川真宰九  
天金闕玉闕靈濟洪恩二位真君風雲雷雨  
部威烈聖衆城隍里社廟貌一切真靈臣聞



碧落浮黎受六甲保胎之品紫陽玉笈開九  
天生神之章皆百靈隱韻之音結三洞飛玄  
之氣說之八遍則婦人懷妊鳥獸含胎讀之  
九過則萬靈唱恭司命敬諾皆太上廣好生  
之德勅元陽開大有之民使民知道以知身  
莫不有宗而有本顧惟後學希慕神仙非此  
文則生氣無津九戶闕塞得此經則胎神明  
注三宮煥騰錫氣布年起凡入聖實脩行之  
徑路爲得道之階梯不但女子可以奉行亦  
使形神不相遠離臣等受任之日濟度存心

夙佩靈章許傳齋範既晨興而蠲潔又夕惕  
以薰修遵上天俯仰之儀奉金籙告盟之格  
憫凡心之有禱望霄漢以投詞爰有心誠謹  
當宣奏

### 宣詞

傍二

十七

按如詞旨備竭丹衷仰冀玄恩洞回洪造竊  
以欽崇大道每勤精一之誠激切卑情不避  
再三之瀆惟人處世在胎曰身本出一源遂  
分六用目視五色耳聽五音鼻以別香舌惟  
了味或運臂而使指或布武而駿奔惟一點

之靈光乃化工之成就如埏埴器運鈞軸以  
陶成譬木偶人發機關而後用矧居人道實  
有司存炳蘭炷於夜分振雲鏃於天表駐九  
龍之寶駕舞三疊之胎仙伏願迂景俯臨分  
輝下盼主世生道降沖氣以爲和有玉嬰兒  
庶無中之養就更希餘祉溥及含靈以今靜  
夜行道請法衆等運茲初捻上香

願此香雲騰空上徹供養

十方無上道寶天尊臣等皈身皈神皈命首  
體投地以是捻香功德上祝

當今皇帝陛下宗維磐石治格垂裳朱蒂斯  
皇保君王於家室皇建有極歛時福於庶民  
盈升可比於椒聊信厚不殊於麟趾俾萬有  
歲常聞嵩嶽之呼則百斯男允協華封之祝  
今故燒香自歸依

道尊大聖衆至真之德得道之後保天長存  
和與道合真

以今靜夜行道請法衆等運茲二捻上香  
願此香雲騰空供養

十方無上經寶天尊臣等皈身皈神皈命首

體投地以是捻香功德歸流某家億曾萬祖  
昇形於劫仞之臺百子千孫備順於太和之  
世發明道眼落滅惡根五臟華敷三宮寧靜  
天人爲子保胎息於玄牝之根元氣降身納  
戊己於精神之府今故燒香自歸依

佛二

十八

經尊大聖衆至真之德得道之後永保長存  
和與道合真

以今靜夜行道請法衆等運茲三捻上香  
願此香雲騰空供養

十方無上師寶天尊巨等以身皈神皈命首

體投地以是捻香功德歸流某徧良緣於三界無物不周散善果於十方有形皆度干戈止息夷夏率從疫癘不興休祥沓至臣等師資善友皆證果以昇形翊衛神靈率言功而進職竚頒符命普及幽明沐此勝因俱登道岸今故燒香自歸依師尊大聖衆至真之德得道之後永天長存和與道合真

唱方 懺方 三啓 三禮

重稱法位

具位臣某與臨壇官衆謹同誠上啓

金闕至尊三清上帝昊天玉皇上帝三界應  
感一切真靈臣聞天道貴生妙門普度上無  
復祖號碧落爲種民之天近取諸身分元始  
居泥丸之上五行共稟七政同科故道生一

傍二

十九

一生二二生三三生萬物爲胎命流布之源  
而人法地地法天天法道道法自然爲形相  
範圍之本凡夫性命皆憑道生一切聖賢盡  
出胎育是以一身之內嬰兒姙女法象陰陽  
無英白元間隔金木珠凝氣液有五行顛倒

之機火運金精藏三田反復之義修之者可  
混合於百神悟之者可超凌於三界有人於  
此以道爲宗非惟後嗣之可求抑亦聖胎之  
成就臣等質穢氣濁功淺行微仰對靈心虔  
依上善惟堅誠懇庶獲感通今者醮官某妙  
蘊心香離諸疑網乘愆蹈咎恥作俑於禍根  
修德反身戒探湯於惡果皈依紫極凝叩玄  
關內竭丹衷仰干洪造伏願玉京三境金闕  
高真保胎神王長生大聖鑒其誠悃錫以湛  
恩勅五帝三官及四司九府齋持符命開度



存亡燭以神光達之天府七先九祖俱蒙鍊  
質之功四友三師各證無爲之果消罪名於  
北府注生籍於南宮懷赤子以注心制魔王  
而保舉出入無疾升一陽於來復之初聲氣  
相求備三索於純乾之體然後諸塵漏盡六

度功圓俾鍊氣以成形即長生而久視上明  
天尊大慈之澤下副臣等皈命之誠謹啓以

聞

十二願

復爐

香官使者左右龍虎君侍香諸靈官當令  
向來靜夜行道之所自然生金液丹碧芝英  
百靈眾真交會在此香火爐前當願十方仙  
童玉女接待蘭烟傳臣向來所啓速達徑御  
至真無極大道

昊天玉皇上帝御前

出堂頌 出戶



道門科範大全集卷之二十八

